

შ.პ.ს. „მთის კურორტების განვითარების კომპანია“



დაბა გუდაურში საყოფაცხოვრებო და სხვადასხვა სახის ნარჩენებისათვის  
არანაკლებ 40მ³ ტევადობის კონტეინერის განთავსება და შეგროვებული ნარჩენების ნაგავსაყრელ  
პოლიგონზე გადატანის მომსახურების სახელმწიფო შესყიდვის შესახებ  
გამარტივებული ელექტრონული ტენდერის

## სატენდერო დოკუმენტაცია

---

CPV-90500000

ქ. თბილისი  
2016 წელი

## სარჩევი

|                                                             |   |
|-------------------------------------------------------------|---|
| 1. ინსტრუქცია ტენდერში მონაწილეობის.....                    | 3 |
| 2. ტექნიკური დავალება.....                                  | 4 |
| 3. დამატებითი ინფორმაცია.....                               | 4 |
| 4. დანართი N1, ფასების ცხრილი.....                          | 5 |
| 5. დანართი N2, რეკვიზიტები.....                             | 6 |
| 6. დანართი N3, აფიდავიტის საილუსტრაციო ფორმა.....           | 7 |
| 7. სახელმწიფო შესყიდვის შესახებ ხელშეკრულების პროექტი ..... | 8 |

## **1. ინსტრუქცია ტენდერში მონაწილეთათვის**

**1.1** სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

**1.2** ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

**1.3** დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

**1.4** სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

**1.5** სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ები)ა.

**1.6** სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

**1.7** პრედენდენტს არა აქვს უფლება წარმოადგინოს ალტერნატიული წინადადება.

## 2. ტექნიკური დავალება

### 2.1 შესყიდვის ობიექტი:

დაბა გუდაურში საყოფაცხოვრებო და სხვადასხვა სახის ნარჩენებისათვის არანაკლებ 40მ<sup>3</sup> ტევადობის კონტეინერის განთავსება და შეგროვებული ნარჩენების ნაგავსაყრელ პოლიგონზე გადატანის მომსახურება.

### 2.2 შესყიდვის ობიექტის ტექნიკური პირობები:

- 2.2.1 ნარჩენებით სავსე კონტეინერის ჩანაცვლება უნდა მოხდეს იმავდროულად ცარიელი კონტეინერით.
- 2.2.2 მომსახურება უნდა განხორციელდეს 2017 წლის 9 იანვრიდან 30 აპრილის ჩათვლით ( $\pm 1$  კვირა) და 2017 წლის 12 დეკემბრიდან ( $\pm 1$  კვირა) 31 დეკემბრის ჩათვლით, შემსყიდველის მოთხოვნის შესაბამისად (სავარაუდოდ, თვეში შვიდჯერ) მოთხოვნიდან არაუგვიანეს მეორე დღისა.
- 2.2.3 მომსახურების გაწევის ვადები შეიძლება შეიცვალოს შემსყიდველის მოთხოვნის შესაბამისად.
- 2.2.4 მომსახურების გამწვევ მხარეს უნდა გააჩნდეს ამ სფეროში მუშაობის მინიმუმ სამ წლიანი გამოცდილება.

### 2.3 სატენდერო წინადადების ფასი:

- 2.3.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 2.3.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.
- 2.3.3 იმ შემთხვევაში თუ ტენდერში ელექტრონული ვაჭრობის შედეგად ყველაზე დაბალი ფასის მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, მიმწოდებელი ვალდებულია დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით).

### 2.4 ანგარიშსწორების პირობები:

- 2.4.1 ანგარიშსწორება მოხდება უნაღდო ანგარიშსწორებით ლარში.
- 2.4.2 ანგარიშსწორება მოხდება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (არსებობის შემთხვევაში) არაუგვიანეს 10 სამუშაო დღის ვადაში.
- 2.4.3 წინასწარი ანგარიშსწორება არ გამოიყენება.

### 2.5 პრეტენდენტის მიერ ერთიან ელექტრონულ სისტემაში ასატვირთი მონაცემები:

- ა) რეკვიზიტები, დანართი №1-ის მიხედვით;
- ბ) ფასების ცხრილი, დანართი N2-ის მიხედვით;
- გ) სამწლიანი გამოცდილების დამადასტურებელი დოკუმენტები, ხელშეკრულებებისა და შესაბამისი მიღება- ჩაბარე(ბე)ბის ასლები.

### 2.6 დამატებითი ინფორმაცია:

- 2.6.1 დამატებითი ინფორმაცია შეგიძლიათ მიიღოთ შემდეგი საკონტაქტო პირისგან:  
**კონსტანტინე მეტონიძე ტელ: +995 591 80 50 65**

ფასების ცხრილი

პრეტენდენტის დასახელება \_\_\_\_\_

| № | ტექნიკური დახასიათება                                                                                                                                                                                                                                                                                                                                       | განზომილება | სავარაუდო რაოდენობა | ერთი ტონა ნარჩენის გატანის ღირებულება | სულ ღირებულება |
|---|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------|---------------------|---------------------------------------|----------------|
| 1 | დაბა გუდაურში საყოფაცხოვრებო და სხვადასხვა სახის ნარჩენებისათვის შ.პ.ს „მთის კურორტების განვითარების კომპანიის“ საკუთრებაში არსებულ პლატფორმაზე არანაკლებ 40მ <sup>3</sup> ტევადობის კონტეინერის განთავსება, ნარჩენებით სავსე კონტეინერის, შესაბამისი დანიშნულების სპეც-ტექნიკით ნაგავსაყრელ პოლიგონამდე ტრანსპორტირება და პოლიგონაზე გადატანის მომსახურება | ტონა        | 320<br>(სამასოცი)   |                                       |                |

ხელმოწერა \_\_\_\_\_

ბ.ა.

რეკვიზიტები:

პრეტენდენტის იურიდიული ფორმა და დასახელება:

\*ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშსწორების ანგარიში:

საიდენტიფიკაციო კოდი:

ხელმოწერა \_\_\_\_\_

ბ.ა.

## აფიდავიტი

### სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

\* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

\* უფლებამოსილი ვარ პრეტენენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

\* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

\* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

\* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

\* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.



გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195<sup>1</sup> მუხლის შესაბამისად.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებული პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

## ხელშეკრულება სახელმწიფო შესყიდვების შესახებ №

(გამარტივებული ელექტრონული ტენდერი # SPA-----)

წინამდებარე ხელშეკრულება დაიდო 2016 წლის ----- ქ. თბილისში.

ერთი მხრივ, შ.პ.ს. „მთის კურორტების განვითარების კომპანია“, შემდგომში „შემსყიდველი“, წარმოდგენილი კომპანიის დირექტორის ალექსანდრე ონოფრიშვილის სახით და მეორე მხრივ, ----- შემდგომში „მიმწოდებელი“, წარმოდგენილი მისი დირექტორის ----- სახით ვდებთ ხელშეკრულებას მოქმედი კანონმდებლობის მიხედვით, შემდეგზე:

### 1. ხელშეკრულებაში გამოყენებულ ტერმინთა განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 „მომსახურება“ – ხელშეკრულების 3.1 პუნქტით გათვალისწინებული ხელშეკრულების საგანი.

### 2. ხელშეკრულების საბანო

- 2.1 ხელშეკრულების საგანს წარმოადგენს: დაბა გუდაურში საყოფაცხოვრებო და სხვადასხვა სახის ნარჩენებისათვის შ.პ.ს „მთის კურორტების განვითარების კომპანიის“ საკუთრებაში არსებულ პლათფორმაზე არანაკლებ 40მ<sup>3</sup> ტევადობის კონტეინერის განთავსება, ნარჩენებით სავსე კონტეინერის, შესაბამისი დანიშნულების სპეც-ტექნიკით ნაგავსაყრედ პოლიგონამდე ტრანსპორტირება და პოლიგონზე გადატანის მომსახურება (შემდგომში „მომსახურება“).
- 2.2 CPV: 90500000;

### 3. ხელშეკრულების ღირებულება

- 3.1 ხელშეკრულების საერთო ღირებულება შეადგენს ----- (-----) ლარს.
- 3.2 1 (ერთი) ტონა საყოფაცხოვრებო და სხვადასხვა სახის ნარჩენის გატანის მომსახურების ღირებულება შეადგენს ----- (-----) ლარს.
- 3.3 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს, დაკავშირებულს მომსახურების გაწევასთან.

### 4. მხარეთა უფლება-მოვალეობები

#### 4.1 მიმწოდებელი ვალდებულია:

- 4.1.1 ხარისხიანად უზრუნველყოს 2.1 მუხლით განსაზღვრული მომსახურების გაწევა.
- 4.1.2 2.1 მუხლით განსაზღვრული მომსახურების პერიოდულობას განსაზღვრავს შემსყიდველი მოთხოვნის შესაბამისად, არანაკლებ კვირაში ერთხელ.
- 4.1.3 აღნიშნული მომსახურება განახორციელოს 2017 წლის 9 იანვრიდან 30 აპრილის ჩათვლით ( $\pm 1$  კვირა) და 2017 წლის 12 დეკემბრიდან ( $\pm 1$  კვირა) 31 დეკემბრის ჩათვლით, შემსყიდველის მოთხოვნის შესაბამისად (სავარაუდოდ, თვეში შეიძლება) მოთხოვნიდან არაუგვიანეს მეორე დღისა.

#### 4.2 მიმწოდებელი უფლებამოსილია:

- 4.2.1 შემსყიდველს მოსთხოვოს ხელშეკრულებით ნაკისრი ვალდებულებების შესრულება.

#### 4.3 შემსყიდველი ვალდებულია:



4.3.1 განახორციელოს წინამდებარე ხელშეკრულებით გათვალისწინებული მოთხოვნების დაცვით გაწეული მომსახურების ღირებულების ანაზღაურება;

4.3.2 შემსყიდველი ვალდებულია საჭიროების შემთხვევაში უზრუნველყოს თოვლისაგან პლათმორმასთან მისასვლელი გზა.

#### **4.4 შემსყიდველი უფლებამოსილია:**

4.4.1 მიმწოდებლისგან მოითხოვოს მომსახურების გაწევა წინამდებარე ხელშეკრულებით გათვალისწინებულ პირობებში;

4.4.2 შეამოწმოს მომსახურების გაწევის ხარისხი, მომსახურების გაწევის მიმდინარეობა;

4.4.3 აღრიცხოს თბილისის ნაგავსაყრელ პოლიგონზე საყოფაცხოვრებო და სხვადასხვა სახის ნარჩენის წონა.

4.4.3 მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

### **5. ხარისხი**

5.1 მიმწოდებელი პასუხს აგებს გაწეული მომსახურების ხარისხზე, ხოლო შემსყიდველი უფლებამოსილია ჩაატაროს გაწეული მომსახურების ხარისხის შემოწმება.

### **6. მიღება-ჩაბარების წესი**

6.1 შემსყიდველი გამოყოფს უფლებამოსილ პირს: გუდაურის მთის მართვის დეპარტამენტის უფროსის პირველ მოადგილეს ნიკო ჩქარეულს, რომელიც უფლებამოსილია ჩაატაროს ხელშეკრულების პირობების შესრულების ინსპექტირება.

6.2 წინამდებარე ხელშეკრულებით გათვალისწინებული მომსახურების გაწევის დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.

6.3 მომსახურება ჩაითვლება გაწეულად მხოლოდ მხარეებს შორის მიღება-ჩაბარების აქტის გაფორმების შემდეგ.

6.4 მიმწოდებელი ვალდებულია შემსყიდველის მხრიდან მოთხოვნილი გაწეული მომსახურების დადასტურების და ანაზღაურების მიღების მიზნით შემსყიდველს წარმოდგინოს შესაბამისი ფინანსური დოკუმენტაცია. ანგარიშსწორების სავალდებულო წინაპირობა მიღება-ჩაბარების აქტთან ერთად არის ანგარიშ-ფაქტურა (არსებობის შემთხვევაში).

6.5 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება შ.პ.ს „მთის კურორტების განვითარების კომპანიის“ -----თანამშრომელს.

### **7. ანგარიშსწორების წესი**

7.1 გაწეული მომსახურების ანაზღაურება განხორციელდება წინამდებარე ხელშეკრულების 6.4 პუნქტით გათვალისწინებული დოკუმენტაციის წარმოდგენიდან 10 სამუშაო დღის განმავლობაში.

7.2 ანგარიშსწორების ვალუტა: ლარი;

7.3 ანგარიშსწორების ფორმა: უნაღდო.

### **8. ხელშეკრულების მოქმედების ვადა**

8.1 წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2018 წლის 31 იანვრის ჩათვლით.

### **9. პასუხისმგებლობა ხელშეკრულების პირობების დარღვევისათვის**

9.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არსებითად დარღვევისათვის ხელშეკრულებით და საქართველოს კანონმდებლობით დადგენილი წესით.

9.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.

9.3 მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 5%-ის ოდენობით.

9.4 არაჯეროვნად შესრულებას წარმოადგენს უხარისხო მომსახურების გაწევა. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 9.5 პუნქტით განსაზღვრული შემთხვევისა.

9.5 მიმწოდებლის მიერ დაგვიანებით შესრულებას წარმოადგენს მომსახურების გაწევის წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე დროულად გაუწეველი მომსახურების ღირებულების 0,02%-ის ოდენობით.

9.6 მიმწოდებლის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.7 სანქციების დაწესება არ ათავისუფლებს მხარეებს ძირითადი ვალდებულებების შესრულებისაგან.

## **10. ფორს-მაჟორი**

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული მხარეთა ნების გამოვლენასთან, შეცდომებსა და დაუდევრობასთან და გააჩნია წინასწარ გაუთვალისწინებელი ხასიითი ან/და გამოწვეულია დაუძლეველი ძალის დადგომით, ამასთან აღნიშნული გარემოება მხარეთა მიერ შესაძლოა განხილულ იქნას როგორც ფორს-მაჟორი მხოლოდ იმ შემთხვევაში თუ აღნიშნული გარემოებების დადგომა უშუალოდ უშლის ხელს მხარეთა მიერ ვალდებულებების შესრულებას.

10.3 ხელშეკრულების მიზნებისათვის „ფორს-მაჟორად“ მიჩნეული შეიძლება იყოს საომარი ან საგანგებო მდგომარეობა, სტიქიური უბედურება, ეპიდემია, კარანტინი, საქართველოს მთავრობის მიერ გამოცხადებული მორატორიუმი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება და სხვა.

## **11. სადაო საკითხების გადაწყვეტა**

11.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების გზით და ურთიერთშეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა საკითხების ირგვლივ.

11.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს უფლება აქვს დავის გადაწყვეტის მიზნით საქართველოს კანონმდებლობით დადგენილი წესით მიმართოს სასამართლოს.

## **12. სხვა პირობები**

12.1 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით და წარმოადგენს ამ ხელშეკრულების განუყოფელ ნაწილს.

12.2 ხელშეკრულების მოქმედება შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12.3 ხელშეკრულება შედგენილია ქართულ ენაზე, სამი თანაბარი იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

## **13. მხარეთა ხელმოწერები**

შემსყიდველი:

მიმწოდებელი: